



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Patriarchæ Ierosolymitano apostolicæ sedis Legato.

urn:nbn:de:hbz:466:1-20020

302 Epistolarum Innocentij III.

runt, Christum non fuisse verum Deum, sed adoptivum, ut miseri Arriani. Alij verò Christum non fuisse verum hominem, sed phantasticum, ut impij Manichaei. Adversus has hæreses Iohannes Apostolus in epistola sua loquitur dicens : *Tres sunt qui testimonium dant in celo, pater, verbum, & spiritus sanctus ; & hi tres unam sunt, per hoc intendens ostendere quod Christus sit verus Deus. Et tres sunt qui testimonium dant in terra, spiritus, aqua, & sanguis.* per hoc intendens ostendere quod Christus sit verus homo. Nam ad esse hominis duo principaliter exiguntur, videlicet corpus & anima, ex quorum conjunctione verus homo subsistit. Per hoc autem quod in articulo mortis Christus inclinato capite tradidit spiritum, de quo voce magna clamaverat, *Pater, in manus tuas commendabo spiritum meum,* manifestè probatur quod iple spiritum habebat, non solum vitalem flatum, sed animam quoque rationalem, de qua prædixerat : *Trifis est anima mea usque ad mortem. & : Potestatem habeo ponendi animam meam & iterum sumendi eam.* Per hoc autem quod unus militum lancea latus ejus aperuit, & continuò exivit sanguis & aqua, probatur aperte quod Christus verum corpus habebat. Nam de phantastico corpore nec sanguis nec aqua potuisse exire. Vnde ille qui vidit, testimonium quidem perhibuit, & testimonium ejus est verum, quod tres sunt qui testimonium dant in terra, spiritus, aqua, & sanguis, quod videlicet Christus sit verus homo ex anima rationali subsistens, quod probatur ex eo quod * tallem spiritum emiserit ex vero corpore, quod inde probatur, quoniam ex eo sanguis exivit & aqua. Rationalis quippe anima non posset vivificare nisi corpus humanum, ex quibus verus homo consistit. Ceterum sicut verus fuit spiritus & verus sanguis, ita procul dubio vera aqua, cum Christus sit veritas, & à veritate omnis fallacia sit penitus aliena. Nam si non fuisset aqua sed flegma quod de latere salvatoris exivit, ille qui vidit & testimonium verum perhibuit, profectò non aquam sed flegma dixisset. Nec in hoc verum regenerationis sacramentum fuisset ostendit, cum per sacramentum baptismi non regeneretur in flegmate, sed in aqua. Neque per hoc * vero posset argumento probari quod in sacramento eucharistia admiscenda sit aqua vino, si de latere Christi non aqua sed flegma cum sanguine profluxisset. Sed nec vera fuisset figura qua-

super hac re precessit in veteri testamento, quando videlicet Moyses virga percussit silicem, & ex ea quidem non flegma sed aqua manavit. Restat igitur ut qualisunque fuerit illa aqua, sive naturalis, sive miraculosa, sive de novo divina virtute creata, sive de componentibus ex parte aliqua resoluta, procul dubio vera fuerit, cum naturaliter possit & compositum in componentia & elementatum in elementa resolvi; quemadmodum verus extitit sudor ipsius, sicut guttae sanguinis decurrentis in terram. Cum autem ad compositionem humani corporis quatuor elementa concurrent, videlicet terra & aqua, aë & ignis, & ad vegetationem ejusdem corporis quatuor humores similes illis convenient, videlicet sanguis & cholera, flegma & melancholia, ut veritatem humani corporis expressius demonstraret, unum ex illis & unum ex istis Iohannes expressit, illaque potius ex illis & istis, que magis mysterio congruebant, ex elementis aquam, & ex humoribus sanguinem, in quibus duobus duo maxima sacramenta, redemptio videlicet & regenerationis, eluent. Datum Laterani 111. Non. Martij, anno duodecimo.

*PATRIARCHÆ IEROSOLYMITANO
apostolice sedis Legato.*

Gratum gerimus & acceptum & tuam prudentiam dignis in Domino laudibus commendamus quod inter imminertia circumquaque discrimina, circa ea quæ tuæ sollicitudini sunt communia ita te fortius & prudenter exerces ut ex magna parte tuæ possimus opera imputare si quid nunc orientali provinciæ vel de persecutione subtrahitur vel ad requiem procuratur. Attendentes igitur quod ad utrumque poterit proficere postulatio quam dilecti filii Canonici Antiocheni de venerabili fratre nostro Yporiensi Episcopo tuo * studio mediante fecerunt, de consilio fratrum nostrorum illam duximus approbadam, sperantes quod cum ipse sit simplex, rectus, ac timens Deum, & in ejus lege probatus, non solum Ecclesiæ quæ vocavit eundem utiliter præsidebit, verum etiam eo tibi teque illi ad mutuum solatium assistente, per unanimem caritatem duorum generalis terræ sanctæ profectus poterit efficacius promoveri. Quapropter ipsum per litteras apostolicas exhortati ut onus illud cum humilitate prompta suscipiat, per præsentem nuntium, in cuius recessu nondum poterat ad nos ejusdem Episcopi recurrisse tel-

* In tert. coll. eff.
vitalem

* Hæc vox deit.
in tert. collect.

* Has item vox
deit in tert. col-
lect. Habetur
tamen in cod.
Andeg.

ponsum, fraternitati tuæ super hoc ad præiens aliud non duximus respondendum nisi quod eum, quem firmiter credimus super hoc nostro mandato & consilio pariturum, celerius quam poterimus ad te simul & Antiochenam Ecclesiam transmittimus, non solum patriarchalia sibi conferentes insignia quæ conferri decebit à nobis, verum etiam in necessariis hilariter providentes, in quibus possit commodè pertransire. Tu ergo, sicut expedire cognoveris, provideas interim diligenter universa quæ negotium hoc contingunt. Ceterum super iis que de discordia inter illustrem Regem Armeniae ac dilectos filios fratres militiae Templi, necon & inter Comitem Tripolitanum ac Regem eundem pro nepote suo nostro apololatui suggestissimi, hoc providimus expedire, ut cum, donec fidelium servitibus imminet gladius paganorum, iij quos illis concorditer oportet opponi sine periculo gravi nequeant ad invicem discordare, adhuc opportunè importunè prudenter studeas & diligenter insistas ad treugas invicem ineundas, si fortè dissensionum cauas nequiveris inter eos judiciali calculo terminare, excommunicationis sententiam pro Templariis rationabiliter promulgatam usque ad satisfactionem condigam faciens inviolabiliter observari. Regi quoque prædicto suadeas diligenter ut ea quæ præfatis Templariis ablata detinet minus justè restituat, & alia nec auferre nec detinere præsumat injustè, ex parte tam nostra quam tua sibi fortiter comminando & interminando prudenter quod cum abstulerit illis ea per quæ repugnare possent perfidie paganorum, verendum proculdubio sibi erit ne, nonobstante quod Christianos non impugnare noverunt, armetur in ipsum, qui sic eos debilitando videtur paganos contra ipsos armare, maximè dum propter hoc est à communione fidelium segregatus. Cum autem de terra sanctæ necessitatibus, quantum in ea potest ab homine procurari, in tuam specialiter inter homines fiduciā respiremus, rogamus & obsecramus in Domino Iesu Christo quatinus eti peccata populi tanta sint quod nedum vetus flagellum avertere mereantur, verum etiam novum excipere digni essent, quia tamen Deus infinita misericordiae iniquitates singulas non observat, nec sperantium in se afflictionibus delectatur, tribulationem pauperum pronunties ante ipsum, & in conspectu ejus tuam orationem effundas, ut & culpam diluat & poenam avertat, cum ip-

sius adjutorio præbens operam, prout poteris, efficacem ad terram ipsam inter circumstanzias angustias conservandam. Nos enim, qui pro suis doloribus mætre afficimur tota die, nec cessavimus hactenus nec cessamus, in quantum vires Dominus administrat, opportunum sibi procurare succursum. Et cum jam Philippo quondam Duce Sueviae interempto, ac carissimo in Christo filio nostro illustri Rege Ottone in Romanorum Imperatorem electo totum Imperium obtinente, ipsius discordia sit sedata, qua succursum ejusdem terra multipliciter impedivit, insistimus incessanter ut ei pleniùs & fortius succurratur. Præterea non te lateas quod in proximo quandam pecuniam non modicam disponimus destinare, assignandam tibi & Templariis ac fratribus Hospitalis, & in utilitates ejusdem terræ, prout expedire videbitur, exponendam. Datum Laterani 111. Non. Martij, pontificatus nostri anno duodecimo.

*CISTERCIENSI, DE FIRMITATE,
de Pontiniaco, de Claravalle, de Morimundo, & universis Cisterciensis ordinis Abbatibus.*

Expositis nobis iis quæ ad petitionem vestram super interdicti negotio in regnum Angliae promulgati nos inducutra putasti, intelleximus ea maximè circa quatuor comprehendendi. Primò, quod prilegium speciale per antiquam nec aliquando, sicut dicitis, violatam consuetudinem approbatum, cum nihil demerueritis circa ipsum, conservari vobis humiliter flagitatis. Secundò, quod cum extra communes sitis positi mansiones, tanto fine scandalio quanto sine consortio celebrare poteritis aliorum. Tertiò, quod ex disfuetudine celebrandi gravis in religione jactura & in ordine dissolutio secutura timetur. Quartò, quia per immolationem hostiæ salutaris Deus, in cuius manu cor Regis est, & quounque voluerit vertet illud, citius super hoc speraretur esse placans, ut ipsum à sua duritia revocaret. Habito itaque cum fratribus nostris diligenti tractatu, & iis quæ pro petitione prædicta cum illis quæ contra ipsam facere videbantur mutua compensatione collatis, causas causis invenimus repugnare. Licet enim nobis ab initio placuisse ut circa vos juxta privilegij vestri tenorem ejusdem interdicti fuisset sententia temperata, quia tamen hi qui tulerant eandem auctoritatem apostolicam habuerunt, nihil in

*Epiſt. 9.
De negotio in-
terdicti Angli-
cani.
Vide ſuprad
lib. 11. epif. 159.
260.*